



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 4. Varia.

[urn:nbn:de:hbz:466:1-79369](https://nbn-resolving.org/urn:nbn:de:hbz:466:1-79369)

Vita spiritualis, est, plus curare de Spiritu, quam de corpore. S. Vinc. Ferr. fer. 3. Pent.

§. IV.

Varia.

Oculi tui columbarum. Cant. 1. 14. Cassiodorus, Origenes, Beda, Theodoretus, & S. Bernardus f. 45. per oculos columbæ accipiunt intuitum spiritualium: quod scilicet anima in res non carnales, sed spirituales, aspicit; easque appetit, & intendit. Cornelius hic.

Et surgentes eadem hora. Luc. 24. 33. Ob-
liti sunt corporalium, spiritualibus jam refecti:
repudiârunt corporis mensam, pigritiam ab-
jecerunt. Regressi sunt Jerusalem: bona scili-
cet muniare, quæ viderant: ut consolatio, quæ
illis per huiusmodi visionem erat propria,
fieret cum cæteris ipsorum relatione, commu-
nis. Sim. Cass. l. 14. hic de Resurr.

Dignum protinus est, cum spiritualia inten-
duntur, quod corporalia remittantur. Sim.
Cass. l. 1. c. 10.

TITULUS XXXV. SPIRITUS.

*N*osti, quod Esau frater meus homo pi-
lofus sit, & ego, lenis. Gen. 27. 11. Mo-
raliter per Jacob, qui lenis fuit, signifi-
catur Spiritus; qui lenis & mitis, naturaliter est
creatus: per Esau pilosum significatur caro, quia
superflua quærit. Hugo Card. in Sap. 10.

*Ubi erat impetus Spiritus, illuc gradie-
bantur.* Ezech. 1. 12. Sic Sanctorum corda
illuc gradiuntur, quò impetus divini Spiritus
fert. Impiorum corda impetus carnis Mundi,
dæmonis, rapit. Igneo curru raptus est Elias.
4. Reg. 2. 11. igneo spiritu rapiuntur viri Eliæ
similes. Barradius tom. 2. l. 2. Dom. 1. primâ
Quadr. c. 7. morale.

Charissimi, nolite omni spiritui credere.
1. Joan. 4. 1. S. August. f. 13. de Verb. Ap. re-
peto, quia necesse est, ut repeterem, & hoc men-
tibus vestris vehementer inculcem: *Charissi-
mi, nolite &c.* In temporalibus commodis con-
fide, quibus libuerit; & auscultate quemli-
bet erudiantem: sed ubi in rebus gerendis peri-
clitari potest, vel iustitia, vel divina lex, nemi-
nem audite, nisi Spiritus peritissimum. Oliva
t. 8. conc. 29.

Et si corpus includitur, etsi caro detinetur;
omnia spiritui patent. Tertull. lib. ad MM.

De vita tua cum natura non deliberas; mi-
nus attendens, quid caro possit, quam quid spi-
ritus velit. Hildebertus ep. 1. ad amicum Reli-
giosum.

Solet à doctis inter alia unum utriusque Spi-
ritus prænotari discrimen: quòd Angelus in
principio terreat, & dulcescat in fine; Diabo-
lus è converso. S. Thom. Vill. conc. 2. de An-
nunt.

Nulla consonantia est Spiritus Dei, ad spiri-
tum huius Mundi, Blesensis de institut. Episc.
c. 4. voluit DEI sapientia spiritum rationalem
conjugere materiæ: quatenus nos ista con-
nexio doceret, spiritum nostrum cum DEO,
qui Spiritus est, facilius conjungi posse. Ger-
son. tr. 9. sup. Magnif.

Desideria tua parvò redime: quia hoc tan-
tum curare debes, ut desinant: atque quasi ad
exemplar compositus divinum, à corpore ad
spiritum, quantum potes, te festina reducere.
S. Martinus Bracar. de vera virt. c. 3.

TITULUS XXXVI. S. SPIRITUS.

§. I.

Figura

Ex Veteri.

*S*piritus DEI ferebatur super aquas.
Gen. 1. 2. S. Hieronymus ait, verbum He-
braum propriè significare, *incubare*, sive
confervere, sicut volucres ova suo colore fo-
vent. de Ponte in Cant. 1. Exhort. 10. §. 4.
Ferebatur. Arabica Biblia: *volitabat*, ut alès
se gerebat, alis se movebat; sicut, interprete
S. Basilio, & Hieronymo; volucres, dum su-
per ova, & pullos, quasi pendulæ, leviter se
alarum agitatione librant; iisque deinde incu-
bant, calorem aspirant, fovant, & animant.
Ita Spiritus S. potentiâ, & voluntate suâ aquis
vim prolificam indebat; ut reptilia, volatilia,
pisces, & germina, imò cæli omnes, ex aquis

producentur. Allegoricè hæc significatur Spi-
ritus S. aquis Baptismi quasi incubans, iisque
nos parturiens, & regenerans, inquit S. Hieron.
epist. 83. Cornelius hic.

Emisit quoq; columbam. Gen. 8. 8. Arca
fuit Ecclesia, Noë Christus, columba Spiritus
S., oleæ folium DEI benignitas. S. Chrysost.
tom. 6. tr. in terræ motum. Spiritum S. in
suâ maximè persona, illa columba significa-
vit, quam de arca Noë sanctus emisit. Ru-
pertus in Gen. 1. 4. c. 23. Noë, id est, Deus,
de arca, id est, de cælo, mittit columbam, id
est, Spiritum S.: & venit ad palatium domini-
um temporalium; & invenit eos plenos in-
iustitiâ, rapinâ; non inveniens, ubi requies-
cat pes ejus. Venit ad Prælatos, & invenit eos
plenos Simoniâ, &c. S. Vinc. Ferr. ferm. in Vi-
gil. Pent. Per diluvium designatus Baptismus:

pcc